

## Myndmennt 1.bekkur

Markmiðið er að nemendur geti útskýrt og sýnt vinnuferli sem felur í sér þróun frá hugmynd að myndverki og að þeir geti fjallað um eigin verk og annarra.

### Hæfniviðið

- að njóta og finna sköpunargleði sinni farveg allt frá byrjun til enda,
- að uppgötva á eigin forsendum og nálgast listsköpun með ýmiss konar efniviði,
- að bæta við fyrri þekkingu á sem víðustum grundvelli myndsköpunar,
- að þekkja grunnformin og verða læs á liti,
- að verða meðvituð um hvernig alls konar dót sem aðrir henda getur orðið uppspretta listsköpunar,
- að vera fær um að sýna og segja frá sínum verkum og taka þátt í að skoða verk samnemenda sinna sem og annarra listamanna,
- að geta gengið frá verkefnum, efnum og áhöldum.

### Kennsluhættir

Sýnikennsla, útikennsla, verkleg kennsla, leiðsagnarkennsla og skapandi vinna.

### Námsmat

Símat kennara þar sem skoðaðir eru þættir eins og iðni, sköpun, tækni og frágangur. Sjálfsmat þar sem nemendur meta sjálfa sig með þar til gerðum sjálfsmatsblöðum.

### List og verkgreinar

Menntun í list- og verkgreinum felst í því að nemendur vinna verklega og skapandi vinnu þar sem reynir á huga, hjarta og hönd. Námið byggir á þjálfun í ákveðnum þáttum þar sem mismunandi kennsluaðferðir eru notaðar. Námið reynir á sjálfstæð vinnubrögð nemenda, samvinnu, fjölbreyttar vinnuaðferðir og hvernig á að koma hugmynd í verk. Mikilvægt er að námið sé stígandi eftir getu nemandans. Samþætta námið við daglegt líf með áherslu á verkferlið og upplifunina.

**Læsi** - Nemendur geri sér grein fyrir hvar áhugi þeirra liggur á sviði list- og verkgreina og séu meðvitaðir um að í þessum greinum séu fjölbreyttir náms- og atvinnumöguleikar. Nemendur þekki undirstöðuratriði hvernar greinar og kynnist fjölbreyttum vinnuaðferðum. Nemendur þekki helstu hugtök og heiti hvernar greinar og geti notað þau verkfæri sem til þarf. Nemendur séu virkir þáttakendur. Mikilvægt er að við sköpum nemendum aðstæður og tækifæri fyrir eigin hugmyndir og hæfileika til sköpunar í tengslum við nær umhverfi og menningu. Nemendur tileinki sér læsi á mismunandi menningu, form, myndir, heilsu og næringu, líkamstjáningu, tilfinningar sínar og annara, tækni, umhverfi o.fl. Nemendur geti sagt frá og þekki hvaða efni þeir eru að vinna með.

**Sjálfbærni** - Nemendur séu virkir þáttakendur í sínu eigin námi. Nemendur takist á við margvísleg fjölbreytt verkefni í tengslum við umhverfið sitt.

**Lýðræði og mannréttindi** - Stúlkur og drengir hafi jafna möguleika til náms í list- og verkgreinum. Nemendur bera ábyrgð á eigin verkum. Nemendur beri virðingu fyrir öðrum nemendum, skoðun þeirra og eigin umhverfi. Nemendur fá tækifæri til að þroskast í list- og verkgreinum á eigin forsendum.

**Heilbrigði og velferð** - Að nemendum líði vel og tekið sé tillit til þarfa hvers og eins. Að efla styrkleika hvers og eins nemenda. Að samskipti séu góð. Hreinlæti sé gott.

**Sköpun** - Nemendur efla þekkingu sína og geti tengt við fyrri þekkingu og skapað þannig nýja. Að nemendur fái aukið val til að sýna frumkvæði í eigin verkefnavali. Nemendur fái að kanna, njóta, spyrja spurninga, smakka, virkja ímyndunaraflíð og prófa. Nemendur læri í gegnum leik.